

սուրբ հայրապետներու կանոններուն, և զանոնք գարձի բերէ ի կատարումն Աստուծոյ կամքին. նոյնպէս կը խնդրենք որ նաև Ձեր Սրբութիւնը հաճի անոր հրաման և իշխանութիւն տալ, որպէս զի իր գործը կատարէ հոն, անարգել: Այս պատճառաւ մենք միշտ պարտական կը մնանք երկարօրէն աղօթելու բարերար Աստուծոյ, որպէս զի իր Ամենագօր Աջոյն ներքև պահէ ընդ երկար Ձեր Սրբութիւնը, Ս. Եկեղեցւոյ ժառանգաւորներուն և բոլոր հպատակներուն հետ, Քրիստոսի մեծագոյն փառքին, մեր փառաւորութեան և ուղղափառ հաւատքի հաստատութեան համար, որովհետև դուք էք մեր փառքը և միշտ Ձեզմով կը պարծենանք անհաւատներու մէջ: Եւ թէպէտ ոմանք մեկ զրպարտեն իսկ նախատանօք և մեզի դէմ բամբասեն Ձեր Վսեմագոյն Սրբութեան առջև, իրրև թէ բամբուած և հեռացած ըլլանք Ձեր միութենէն, այդպիսի անձերու մտիկ մի՛ ընէք, վասն զի մեր սէրը հաստատ՝ և մեր միութիւնը անքակտելի է և կը մնայ: Նաև կը խնդրեմ. Ձեր Սրբութենէն, մեր աղքատութեան պատճառաւ, որ նամակով մը յանձնարարէք Ոսկան Արքեպիսկոպոսը՝ Յրանսայի Թագաւորին, որպէս զի անոր նպատամատոյց ըլլայ: Եւ ասով նաև Ձեր Սրբութիւնը պարգեւատրուած ըլլայ Քրիստոսէ, մեր Տիրոջմէն:

Այս սիրալիբ նամակը գրուեցաւ Քրիստոսի Մարգեղութեան 1673 տարին, և